

隨州志

地260.33


138

部三·八

同治八年重修

文昌宮

板藏文昌宮



隨州志卷二十三

耆舊

自習鑿齒作襄陽耆舊傳而漢上英賢赫奕彪炳曩乎  
尚矣隨與襄郡接壤懷奇負異豈曰無人李太白謂神  
農之後季梁爲大賢至宋世孟李諸公功業魏煥流風  
未遠濟美增光哀而葺之豈徒爲閭里之榮哉

周

季梁隨大夫楚武王侵隨使蘧章求成焉軍於瑕以待之  
隨人使少師董成鬬伯比言於楚子曰吾不得志於漢

隨州志

卷二十三

耆舊

一

東也我則使然若張吾三軍而被吾甲兵以武臨之彼  
則懼而協以謀我故難閒也漢東之國隨爲大隨張必  
棄小國小國離楚之利也少師侈請羸師以張之熊率  
且比曰季梁在何益鬬伯比曰以爲後圖少師得其君  
王毀軍而納少師少師歸請追楚師隨侯將許之季梁  
止之曰天方授楚楚之羸其誘我也君何急焉臣聞小  
之能敵大也小道大淫所謂道忠於民而信於神也上  
思利民忠也祝史正辭信也今民餒而君逞欲祝史矯  
舉以祭臣不知其可也公曰吾牲牷肥膋粢盛豐備何



則不信對曰夫民神之主也是以聖王先成民而後致力於神故奉牲以告曰博碩肥腍謂民力之普存也謂其畜之碩大蕃滋也謂其不疾疫蠹也謂其備腍咸有也奉盛以告曰絜粢豐盛謂其三時不害而民和年豐也奉酒醴以告曰嘉粟旨酒謂其上下皆有嘉德而無違心也所謂馨香無譏慝也故務其三時修其五教親其九族以致其禮祀於是乎民和而神降之福故動則有成今民各有心而鬼神之主君雖獨豐其何福之有君姑修政而親兄弟之國庶免於難隨侯懼而修政楚

隨州志

卷二十三

耆舊

二

不敢伐

左傳

唐人唐成公如楚有兩肅爽馬子常欲之弗與三年止之唐人或相與謀請代先從者許之飲先從者酒醉之竊馬而獻之子常子常歸唐侯自拘於司敗曰君以弄馬之故隱君身弃國家羣臣請相夫人以償馬必如之唐侯曰寡人之過也二三子無辱皆賞之

全上

後漢

周章字次叔南陽隨人也初仕郡爲功曹時大將軍竇憲免封冠軍侯就國章從太守行到冠軍太守猶欲謁

之章進諫曰今日公行春豈可越儀私交且憲椒房之親勢傾王室而退就藩國禍福難量明府剖符大臣千里重任舉止進退其可輕乎太守不聽遂便升車章前拔佩刀絕馬鞅於是迺止及憲被誅公卿以下多以交關得罪太守免以此重章舉孝廉六遷爲五官中郎將延平元年爲光祿勳永初元年代魏霸爲太常其冬代尹勤爲司空是時中常侍鄭眾蔡倫等皆秉勢豫政章數進直言初和帝崩鄧太后以皇子勝有痼疾不可奉承宗廟貪殤帝孩抱養爲己子故立之以勝爲平原王

隨州志

卷二十三

耆舊

三

及殤帝崩羣臣以勝疾非痼意咸歸之太后以前旣不立恐後爲怨迺立和帝兄清河孝王子祐是爲安帝章以眾心不附遂密謀閉宮門誅車騎將軍鄧騭兄弟及鄭眾蔡倫劫尙書廢太后於南宮封帝爲遠國王而立平原王事覺勝策免章自殺家無餘財諸子易衣而出

并日而食

後漢書本傳

宋

李堯輔字公佐歐陽永叔作昌黎文集序云予寓漢東隱士李氏子堯輔頗好學於家得昌黎集六卷乞歸讀之

見其淵源而雄博又爲作東園亭記云城南李氏爲著  
姓家多藏書教子孫以學公佐好學有行鄉里推之補傳

宋綬字公垂其先趙州平棘人徙隨州博通經史百家年  
十五召試中書真宗愛其文後又試學士院爲集賢校

理官至資政殿大學士孝謹清介言動有常家藏書萬  
卷親自校讎筆札尤精妙及卒帝多取其書字藏於禁

中祀鄉賢湖廣通志

宋敏求綬之子官至龍圖閣學士家有書三萬卷皆畧誦  
習所著書學者多咨之祀鄉賢全上

隨州志 卷二十三 者舊 四

劉達字公路隨州人進士高第調越州觀察判官歷太學

太常二博士禮部考功二員外郎國子司業崇甯中連

擢秘書少監太常少卿中書舍人給事中戶部侍郎兵

部尙書同知樞密院拜中書侍郎蔡京罷首勸碎元祐

黨人碑寬邪黨之禁復謫者仕籍凡京所行悖理虐民

事與趙挺之稍稍澄正然挺之多智慮後患每建白務

開其端而使獨終其說達欲自以爲功直情不顧未滿

歲帝疑其擅余深石公弼遂乘機論達專恣反覆投間

抵讖盡廢紹述良法凡所啟用多取邪黨及籍中子弟

又庇其婦兄章縱盜鑄罪罷知亳州謫鎮江軍節度副使安州居住稍起知杭州召爲資政殿學士醴泉觀察使未至卒年五十贈光祿大夫

宋史本傳

孟宗政字德夫絳州人父林從岳飛至隨州因家焉自幼豪偉有膽畧起家土豪常出沒疆場間未嘗學兵法而暗與之合好賢樂善出於天性有功者怨必賞有罪者親必罰開禧二年金將完顏董犯襄郢率義士據險邀擊奪其輜重宣撫吳玠奇之補承節郎趙方吳柔勝皆薦其才轉秉義郎京西鈐轄駐劄襄陽與扈再興陳祥

隨州志

卷二十三

耆舊

五

蹀血以戰金兵敗走尋報棗陽圍急宗政午發峴首遲明抵城馳突如神金人駭遁方聞大喜差權棗陽軍初視事一僕犯令立斬之軍民股栗益築隄積水修治城堞簡閱軍士金帥賽不擁步騎圍城與再興合兵角敵敗之於尙家川歷三月大小七十餘戰身先士卒厚募壯士乘閒突擊伏兵城東金人盛兵薄城宗政隨方力拒再至再北適隨守許國援師至白水鼓聲相聞宗政率諸將出來攻敵大奔潰賜金帶轉武德郎次年訛可復擁步騎傅城募礮手擊之一礮輒殺數人金選精騎

二千號弩子手擁雲梯天橋先登陷城穴地道宗皆隨計設備禦之列勇士以長槍勁弩擣其衝以長戈舂其喉自斫至是死傷踵接梯橋盡燬金人連不得志俄乘順風渡濠飛脂葦燒戰棚將士血戰凡十五陣殲金兵千餘弩子手十七八射其都統殪之會王大任領銳卒一千冒重圍轉鬪入城內外合勢士氣大振賈勇入金營自晡至三更橫屍徧地奪印十有六紐訛可棄帳走獲輜重牛馬萬計升武功大夫兼閣門宣贊舍人重賜金帶制置司以湖陽縣迫敵境檄宗政圖之一鼓而拔

隨州志

卷二十三

耆舊

六

擒其千戶趙興兒燔積聚填營砦俘掠以歸金人自是不敢來窺襄漢棗陽尋代許國爲荆鄂都統制仍知棗陽敵迫濠而陳迺於西北濠外瀦水爲溝以限敵騎威行境外中原遺民歸者不可勝數皆發廩以贍創屋與居籍其勇壯二萬餘人號忠順軍轉右武大夫團練防禦使以病疽卒邊人罷市慟哭子璟琪瑛璋皆任兵官

本傳

孟琪字璞玉宗政子屢以功補進勇副尉訛可來攻棗陽琪登城射卻之宗政命琪取閒道劫金營破砦十八斬



首千餘級大獲軍糧以升下班祇應入謁制置使趙方  
奇之辟光化尉轉進武校尉授承信郎父憂起復歷成  
忠忠翊二郎差峽州兵馬押監兼在城巡檢京湖制置  
司差提督虎翼突騎軍馬又辟京西第五副將權管神  
勁左右軍統制代江海總父所招忠順軍士分其軍爲  
三眾乃帖然紹定元年珙白制司創平堰於棗陽自城  
至軍西十八里由八疊河經漸水側水跨九阜建通天  
槽八十三丈溉田十萬頃立十莊三轄使軍民分屯歲  
收十五萬石又命忠順軍家自畜馬官給芻粟馬益蕃

隨州志

卷二十三

耆舊

七

息二年升京西第五正將棗陽軍總轄明年差京西兵  
馬都監母憂起復京西兵馬鈴轄駐劄棗陽仍總三軍  
六年元將那顏儕盍追金主完顏守緒逼蔡檄珙戍鄂  
討金唐鄧行省武仙仙時與武天錫及鄧守移刺瑗相  
犄角欲迎守緒入蜀犯光化鋒剽甚天錫本鄧農夫乘  
亂聚眾二十萬爲邊患珙逼其壘一鼓拔之壯士張子  
良斬首以獻俘其將士授江陵副都統制賜金帶制司  
檄問邊事珙謂金人若向呂堰則八千人不爲少然須  
木查騰雲呂堰等砦皆受節制乃可濟已而果犯呂堰

珙喜曰吾計得矣亟命諸軍追擊呂堰進逼大河退逼山險砦軍四合金人棄輜重走斬獲甲士馬牛橐駝不可勝計瑗遣部曲馬天章奉書請降盡獻鄧之縣鎮戶口官吏馬步軍迎珙入城瑗伏堦下請死珙爲易衣冠以賓禮見金順陽令李英亦以縣降申州安撫張林以州降珙言於制司歸附之人宜各因其鄉土而使之耕因其人民而立之長少壯籍爲軍才能者分以土地任以職使各招其徒固守且殺敵勢七月己酉仙將劉儀領壯士二百降珙問虛實儀言仙所據九砦其大砦石

穴山以馬蹙沙窩岫山三砦蔽其前三砦不破石穴未易圖也若先破離金砦則王子山砦亦破岫山沙窩孤立三帥成禽矣珙翼日遣兵向離金盧秀執黑旗帥眾入金不疑爲宋軍因分據巷道大呼縱火掩殺幾盡是夜壯士楊貴等擣王子山砦護帳軍酣寢王建入帳中斬金將小元帥首丙辰出師馬蹙遣樊文彬攻其前門成明等邀截西路一軍圍紇石烈一軍圍小總帥砦火燭天殺僂山積逸去者復爲成明伏軍所得凡獲壯士老少萬二千三百師還至沙窩西與金人遇復大捷是

日三戰三克未幾丁順等又破默候里砦琪召儀問曰此砦既破板橋石穴必震汝能爲我招之乎儀曰晉德與花腿王顯金鎮撫安威故舊招之必來乃遣德行威見德叙情好甚歡介德往見顯顯卽以書乞降德復請琪遣劉儀候之顯軍五千猶未解甲琪令作棹棹陣入周視良久乃云如素所撫循者饗以牛酒皆醉飽歌舞琪料武仙必上岵山絕頂窺伺詰旦令文彬奪山駐軍其下前設伏後遮歸路已而仙果引眾登山及半文彬麾旗伏兵四起仙眾失措枕藉厓谷山爲之頽殺其將

兀沙惹擒七百三十人棄鎧甲如山薄暮琪進軍至小水河儀還具言仙不欲降謀往商州依險以守琪曰進兵不可緩夜漏十刻召文彬受方畧明日攻石穴九砦蓐食啟行文彬患積雨未霽琪謂此雪夜擒吳元濟時也策馬直至石穴分兵進攻自寅至巳九砦俱破仙走追及於鮎魚砦易服而遁復戰於銀葫蘆山又敗仙與五六騎奔追之不見降其眾七萬獲甲兵無算還軍襄陽轉修武卽鄂州江陵副都統制元遣宣撫王檝約攻蔡制置使謀於琪請以二萬人行因命盡護諸將金二

萬騎由鎮陽橫山南來珙鼓行而前戰敗卻走追至高黃陂斬首千二百級僂盞遣兔花忒沒荷過出阿悉三人來迓珙與射獵割鮮而飲馳入其帳僂盞喜結爲兄弟酌馬湏飲之約南北軍毋相犯僂盞遣萬戶張柔帥精兵五千入城金人鈞二卒以往柔中流矢如蝟珙麾先鋒救之挾柔以出黎明進逼石橋鈞致生俘郭山戰少卻金人突至珙躍馬入陣斬山以徇軍氣復張殊死戰進逼柴潭俘金人百有二斬首三百餘級翼日命諸將奪柴潭樓拔之蔡人恃潭爲固外卽汝河潭高於河

五六丈城上金字號樓伏巨弩珙謂麾下曰伏弩能及遠不可射近彼所恃此水耳決而注之涸可立待實以薪葦遂濟師獲其殿前副檢點温端礫之城下進逼土門金驅其老稚熬爲人油礮人不堪其楚端平元年正月辛丑黑氣壓城上日無光時城中絕糧已三月鞍韉敗鼓皆糜煮聽以老弱互食及斬敗軍全隊拘其肉以食故欲降者眾珙下令諸軍銜枚分運雲梯布城下已酉珙帥師向南門至金字樓列雲梯馬義先登起榮繼之萬眾競登大戰城上降其丞相烏古論栲栳殺元帥

元林達及偏裨二百開西門招僭盞入守緒見城已危先取寶玉寘小室環以草號泣自經煙焰未絕珙等共分其骨得金鑑寶玉帶金銀印牌還軍襄陽特授武功郎主管侍衛馬軍行司公事建康府都統制留屯襄陽兼領鎮北軍俄令赴樞密院稟議授帶御器械兼知光黃二州厚資遣還朝辭上曰卿名將之子忠勤體國破蔡滅金功績昭著問恢復對曰願陛下寬民力蓄人才以俟機會問和議對曰臣介冑之士當言戰不當言和三年至黃增埤浚隍蒐訪軍實軍民來歸者厚加賑貸

又慮兵民雜處因高阜爲齊安鎮淮二砦以居諸軍創章家山母家山兩堡以居先鋒虎翼飛虎軍俄兼主管安撫司公事節制黃蘄光信陽四郡軍馬元兵攻蘄珙遣兵解其圍又攻襄陽隨守張龜壽荆門守朱楊祖郢守喬士安皆委郡去復州施子仁死之江陵危急詔沿江淮西遣援眾謂無踰珙者乃先遣張順渡江珙以全師繼之元兵分兩路一攻復州一在枝江監利編筏窺江陵珙變易旌旗服色循環往來夜則列炬照江數十里相接遣外弟趙武等進戰珙自往節度破砦二十有

四還民二萬嘉熙元年封隨縣男擢高州刺史忠州團練使兼知江陵京西湖北安撫副使元將忒沒鰓入漢陽境口溫不花入淮甸蘄守張可大舒州李士達委郡去光守董堯臣以州降合三郡人馬糧械攻黃守王鑑帥萬文勝戰不利珙入城軍民大喜曰吾父來矣駐城樓指畫戰守卒全其城斬逗遛者以徇御筆賞將士賜珙金盃白金珙分賜諸將士皆感泣二年春授甯遠軍承宣使鄂州江陵諸軍都統制置司松滋詔三軍勳勞趨其來上未幾授樞密副都承旨京西湖北路安撫制

隨州志

卷二十三

者舊

十三

置副使督視行府參謀官兼知岳州檄江陵節制司擣襄郢是年張俊復郢州賀順復荆門軍十二月壬子劉全戰於冢頭戰於樊城戰於郎神山屢以捷聞三年曹文鏞復信陽軍劉全復樊城遂復襄陽授樞密都承旨改制置使兼知鄂州全遣譚深復光化軍息蔡降珙命以兵逆之得壯士百餘籍爲忠衛軍初詔珙收復京襄珙謂必得郢然後可以通餽餉得荆門然後可以出奇兵由是指授方畧發兵深入所至以捷聞珙復奏取襄不難而守爲難襄樊朝廷根本今百戰而得之當加經

理如護元氣非精兵十萬不足分守乃置先鋒軍隸以襄郢歸順人庚寅諜報元兵欲大舉臨江琪策必道施黔以透湖湘請粟十萬備給軍餉用二千人屯峽州千人屯歸州忠衛舊將晉德自光州來歸琪獎用之弟瑛以精兵五千駐松滋爲夔萬聲援遣于德興增兵守歸州隘口萬戶谷元兵自隨闖江琪密遣劉全拒敵遣伍思智以千人屯施州元大將塔海弁禿雪帥師入蜀號八十萬琪增置營砦分布戰艦遣張舉提兵開道抵均州防遏俄元兵渡萬州湖灘施夔震動琪兄璟時爲湖

北安撫副使知峽州兼以書謀備禦琪請於督府帥師西上璟調金鐸一軍迎拒於歸州大岷砦劉義捷於巴東之清平村琪弟璋選精兵二千駐澧州防施黔路四年進封子條上流備禦宜爲藩籬三層乞創制置副使及移關外都統一軍於夔任涪南以下江面之責爲第一層備鼎澧爲第二層備辰沅靖桂爲第三層峽州松滋須各屯萬人舟師隸焉歸州屯三千人鼎澧辰沅靖各五千人彬桂各千人如是則江西可保又遣楊鼎張謙往辰沅靖三州同守倅曉諭熟蠻講求思播施黔支

徑以圖來上會謀知元兵於襄樊隨信陽招集軍民布  
種積船材於鄧之順陽乃遣張英出隨任義出信陽焦  
進出襄分路撓其勢遣王堅潛兵燒所積材遣張德劉  
整分兵大蔡火其積聚拜甯武軍節度使四川宣撫使  
兼知夔州節制歸峽鼎澧州軍馬招集麻城縣巴河安  
樂磯營公店淮民數百皆沿邊經戰之士號甯武軍令  
璋領之進封漢東郡侯兼京湖安撫制置使回鶻愛里  
八都魯帥壯士老稚人馬來降創飛鶻軍改愛里名艾  
忠孝釐蜀政之弊爲五條班諸郡縣乃擇險要立砦柵

集流離安耕種立賞罰以課殿最俾諸郡奉行之又兼  
夔路策應屯田大使調夫築堰募農給種由歸峽至漢  
口爲屯二十爲莊百七十爲頃十八萬八千二百八十  
上其始末與所減兵食之數降詔獎諭靖州猺林賽良  
爲亂遣王瑀平之淳祐二年淮東受兵樞密俾珙應援  
遣李得帥精兵四千赴之子之經監軍諜知京兆府也  
可那延以騎兵三千經商州取鶻嶺關出房州竹山遣  
王令屯江陵尋進屯鄧劉全屯沙市提千人自荆門出  
齎十日糧取道南漳入襄與諸軍合元兵至三川珙下



令應出戍主兵官不許失棄寸土權開州梁棟乏糧請  
還怒其棄城使高達斬首以徇元兵至瀘命重慶分司  
發兵應援遣張祥屯涪州拜檢校少保進封漢東郡公  
珙言京湖有三憂其一沅之險不如辰靖之險不如沅  
三州皆當措置而靖又急今粒米寸兵無所從出二江  
防上自秭歸下至壽昌亘二千里自公安至峽州灘磧  
凡十餘處隆冬水涸節節當防三今尺籍數虧旣守灘  
磧又守關隘荆襄國之藩表如其有虞非但失一郡當  
傾國爭之若其增兵八萬併力備禦雖韓白復生無所

展巧余玠宣諭四川道過珙言重慶積粟少珙餉以屯  
田米十萬石五年御筆以職事修舉轉行兩官許令回  
授移鎮江陵旣至登城歎曰江陵所恃三海已變爲桑  
田自城以東直至三汊無所限隔敵一鳴鞭卽至城外  
迺修復內隘十有一別作十隘於外漳水舊自城西入  
江因障而東之俾遠城北入於漢三海遂通爲一隨其  
高下爲匱蓄泄三百里閒渺然巨浸土木之工百七十  
萬民不知役繪圖上之尋乞歸不允初所招鎮北軍駐  
襄陽李虎王旻軍亂鎮北亦潰歎曰三十年收拾中原

人今志不克伸矣病遂革六年九月朔大星隕於境聲如雷越戊午遂薨其夕大風發屋折木帝震悼輟朝賻銀絹少保三贈太師追封吉國公諡忠襄廟曰威愛生平忠君體國之念可貫金石在軍中與參佐部曲論事言人人異徐以片語折衷眾志皆愜值襄蜀蕩析士無所歸蜀士聚於公安襄士聚於郢渚乃作公安南陽兩書院以沒入田廬隸之使有所教養請帝題其榜賜焉京襄死節死事之臣請於朝建祠岳陽歲時致祭賜名閔忠廟謁客遊士老校退卒一以恩意撫接建鼓旗臨

隨州志

卷二十三

耆舊

六

將吏面色凜然無敢涕唾者退則焚香掃地隱几危坐若蕭然事外遠貨色絕滋味其學邃於易六十四卦各繫四句名警心易贊亦通佛學自號無菴居士子之經

任策應司都統兼知江陵

本傳

忠襄父子實居於隨之西鄉今其地猶名孟家橋

李庭芝字祥甫其先沛人十二世同居號義門李氏後徙應山遷隨州特以武顯及庭芝生有芝產於屋棟遂以名之自少穎異日誦千言智識出長老上見隨守王旻貪殘不恤下眾多怨之告於諸父曰隨必亂請移家德

安以避之從之未浹旬旻果爲部曲挾以叛隨民死者甚眾嘉熙末登鄉舉時江防甚急不得行以策干孟珙請自效珙夜夢有李尙書謁已明日庭芝適至見其魁偉顧諸子曰吾相人多矣無如李生者其名位當過我屬四川有警卽以庭芝權建始縣旣至訓農治兵選壯士雜官軍教之期年民皆知戰守善馳逐無事則植戈而耕兵至則悉出而戰夔帥下其法於所部行之淳祐初登進士辟主管機宜文字珙卒復薦於賈似道庭芝感珙知己扶其柩葬之興國棄官行服似道鎮京湖起

爲參議官移鎮兩淮議柵清口五河增淮南烽百二十繼知濠州復城荆山以備淮南皆切中機會開慶元年留權揚州尋以大兵在蜀奏除直寶謨閣湖北安撫副使兼知峽州以防蜀江庭芝方以母憂去會李璫窺淮南制使趙與憲無謀璫奪其所築南城遂由連水渡淮朝議擇守揚者無如庭芝乃奪情授秘閣修撰主管兩淮安撫制置司公事遂破璫兵殺其將厲元帥平南城而還景定二年除樞密都承旨兩淮安撫制置副使知揚州復敗璫於喬村破東海石圍等城明年璫降徙漣

水三城民於通泰之間五年就加寶章閣直學士揚新  
遭兵火廬舍盡燬賴鹽爲利而亭戶多亡公私蕭然庭  
芝至則悉貸民逋假錢營屋踰歲官民居皆具鑿河四  
十里以省車運之勞免亭戶宿負二百餘萬逃亡悉歸  
鹽利大興築大城包平山堂募汴南流民二萬立武銳  
軍以實之敵至不敢窺城中圖上於朝下詔獎勞又大  
修學校爲詩書俎豆習射禮有水旱廩不足贍賑以私  
財民德之如父母劉槃自淮南入朝帝問淮事具言庭  
芝老誠謹重軍民安之今邊塵不驚百廢具舉皆陛下

委任得人之效也咸淳三年就加兵部尙書五年轉兩  
淮安撫制置大使兼知揚州北兵圍襄陽復改京湖兼  
夔路策應督師援之賜錢二百萬預備給賞范文虎貽  
書似道曰吾將兵數萬人襄陽一戰可平但無使聽命  
於京闕事成則功歸恩相似道喜卽除文虎福州觀察  
使其兵從中制文虎乃曰攜美妾走馬擊毬爲樂庭芝  
屢欲進兵辭以取旨未至明年六月不得已始一出師  
未至鹿門中道遁去竟失襄陽陳宜中請誅文虎似道  
芘之止降一官猶令知安慶庭芝自劾請代不允遂得

貶歸九年元復圍揚州起庭芝兩淮安撫制置使賜錢二百萬十年築清河口城賜名清河軍十二月元兵破鄂蕪湖兵潰沿江諸郡或降或遁無一人能守者庭芝首遣兵入衛爲諸道勤王倡檄所部郡縣各嚴城守有持書榜招降者焚而梟之調苗再成兵戰其南許文德戰其北姜才施忠戰其中日持金帛牛酒燕犒將士人人爲之死鬪朝廷慰勞日至加叅知政事兼知樞密院事伯顏入臨安留元帥阿朮攻揚州久不下築長圍跨灣頭至丁村欲久困之城中乏食命括民間粟盡令出

之官戶已盡及於將校雜以牛皮麴蘖有烹子而食者尙日出苦戰朝命使降庭芝登城謝曰奉命守城未聞降也元所遣詔使悉焚斬之時夏貴以淮西降阿朮馳至城下旌旗蔽野幕客以言覘之庭芝泣曰吾惟一死而已會益王立召爲左丞相加少保乃以朱煥守揚而已與姜才將兵七千東入海甫至泰州煥隨以城降驅庭芝妻子至秦裨將孫貴胡惟孝等開門迎降庭芝聞變赴蓮池水淺不得死被執還揚煥責以自用兵來積骸滿野皆庭芝與才所爲不殺何俟死之日民皆泣下

本傳

邊居誼隨人初事李庭芝積功至都統制使守沙陽新城善御下得士心凡戰守之具治之皆有法呂文煥以北兵破沙陽守將王大用被執進薄新城居誼率眾拒之文煥命列沙陽所斬首於城下復縛大用至使招降不答明日又至居誼應曰吾欲與呂參政語耳文煥以爲降已馳馬至伏弩亂發中文煥右臂并中其馬馬仆幾鈎得之眾挾文煥以他馬奔走會其總制黃順副將任甯開東門出降其部曲多欲縋城出者居誼悉驅入當

隨州志

卷二十三

耆舊

三

門斬之取家財盡散將士往來督戰至暮元兵破侵漢樓居誼以火具卻之火延民居眾蟻附而上居誼度力不能支還第拔劍自刎不殊赴火死所部三千人猶力戰悉死焉伯顏壯其勇購屍觀之事聞贈利州觀察使

立廟死所

本傳

元

宣昭字伯綱漢東人號良齋有雅行精通古今於天文地理陰陽術數百氏之學無不諳詣尤精翰墨正書能備

八法

元史文苑本傳

明

王興福隨人初守徽州有善政遷知杭州杭初附人心未

安興福善撫輯民甚德之秩滿當遷郡人遮道攀留興

福諭遣之曰非余能惠父老父老善守法耳太祖嘉之

擢吏部尚書坐事左遷西安知府卒於官

明史王宗顯傳

王鏞隨州人洪武初以人才薦授鎮江府通判擢知嘉興

府人為戶部侍郎致身盛德之世多所建白尋復出知

嘉興府後免歸優游林下鄉人月旦必首推公云

湖廣通志

賀子亨洪武間以秀才授本府教授歷遷廣西慶遠府知

隨州志

卷二十三

耆舊

三

府布政邊郵剛柔互劑遠人安之

何文毅公考錄

陳壽隨人洪武中由國子生授戶部主事永樂元年遷員

外郎出為山東參政所至以愛民為務用夏原吉薦召

為工部左侍郎皇太子監國南京壽曰陳兵民困又乘

閒言左右干恩澤者多恐累明德太子深納之嘗目送

之出顧侍臣曰侍郎中第一人也九年以漢王高煦譖

下獄貧不能給朝夕官屬有饋之者拒不受竟死獄中

踰年啟殯如生仁宗即位贈工部尚書諡敏肅官其子

瑞中書舍人

明史本傳

童寅字以敬隨州人永樂甲辰進士授監察御史出按蘇  
松及滇南遼東諸郡風裁肅然補交趾按察使以母喪  
歸復除江西按察使廉介勤恪決斷明允既卒吏民哀  
悼護喪歸家無贏帛妻孥貧窶分省人物考

龔敬永樂中鄉薦歷官成都知府有德政蜀人至今懷慕  
何文毅公考錄

柳昌永樂間進士以行人出知臨川縣重農興學士民感  
之鄉人以爲不愧科名全上

宮文侑洪武間以貢生任禮部主事歷遷廣東按察使僉

隨州志

卷二十三

者舊

三

事持法平允有能聲全上

楊守真永樂二十一年鄉薦戶部照磨知涇縣吏民德之  
全上

儲遜永樂癸未舉人官王府侍讀以禮閑諸王不阿權要  
陳瑞壽子以廕授中書舍人歷工部侍郎正直有父風

吳彥德本儒者於諸子百家無所不讀常恨德不能及遠  
願爲醫以濟人乃舍所學而獨以醫鳴凡有疾病者無  
貴賤咸詣其家欣然爲療之遇窮困者卽與之銀米衣  
物其人輒喜故其病易瘳其接人溫然以和與人言未



嘗不勸以爲善鄉人稱爲篤行君子子旻舉於鄉舊志

宗文中景泰七年鄉試選都昌縣學教諭澹於榮利雖一

羶遠官而意常泰然好古嗜學尤長於詩文以子夔貴

贈御史何文毅公考錄

章貞隨州人生一歲而喪母鞠於祖母黃氏九歲而父又

死貞攻苦力學景泰元年領鄉薦任通江教諭祖母歿

棄官歸廬於墓側日具饌如生時久之有白兔之祥湖廣

通志

章爵貞之子成化七年鄉試第一初授分宜縣知縣勤能

隨州志

卷二十三 耆舊

三

謹慎綽有政聲後遷惠州同知何文毅公考錄

宗夔成化二十一年進士初知建德縣以政績卓異遷山

東道監察御史入臺累章勸上延訪儒臣以廣聖德奉

命巡撫福建不汲汲以搏擊市直聲而首舉莆田孝子

劉閔請授本縣訓導以風勵末俗凡事能知所本類如

此全上

傅鳳翔字德輝爲諸生以孝友信義稱於鄉登第後知上

蔡縣臨政敏達築上蔡城旋擢監察御史去民立祠祀

之歷官僉都御史兵部右侍郎協理戎政卒於官贈右

都御史賜祭廕一子德安府志

向光振字伯羽隨州人正德中領鄉薦性嚴謹絕俗工古文詞奔父喪渡海遇風以身禱風止母病當應制不行祖所遺產悉以讓兄嘉靖中知四川高縣刻勵清操多

政績明一統志

按明地里志高州隸叙州府洪武五年降為縣正德十三年復為州嘉靖中不宜復有高縣

顏木字惟喬隨州人正德丁丑舉進士與王廷陳頡頏聲譽端雅峻潔人恆推重初知許州以薦調亳州懲武人石氏之肆坐中傷免歸益淬礪自信曰彼能尼吾仕而

隨州志 卷二十三 耆舊 三

不能錯吾履能黜吾爵而不能隳吾學吾將樹風立言示範後世屹然表正於淮漢之間號淮漢先生著有家政漢東志七禮解選詩評諸書分省人物考

陳之良字伯善初仕工部主事轉刑部郎中任法不避權貴時給諫陸燦等疏劾宰執張桂專權不法諸事下刑部之良推鞠得實覆奏而桂萼已還內閣良遂落職卒

於家德安府志

陳之輔字伯棐之良弟博學洽聞能為古文辭尤長於詩末仕而卒時人惜之全上

尹儒嘉靖三十八年進士少孤貧力學敦行以氣節自任甫釋褐卽上書言邊事剴切數千言洞中時弊雖老於邊塞者無以過也未授官卒竟未終其志何文毅公考錄向光大字堯夫不知何途出身知施秉縣多異政縣有二虎負嶠爲患土人以爲神虎爭祀以羊豕甚或以人虎乃不出一不謹則出肆啗不可勝計光大至卽備器械選丁壯約日與虎戰先期爲文告城隍神謂已與神俱有責如虎以戰死則神無功當易神祀若未戰而虎先死則神之功不朽永宜血食期未至而土人來告二虎

隨州志

卷二十三

耆舊

三五

自相鬪死後卒於官民立廟祀之

德安府志

劉應民嘉靖三十四年舉人仕至南京兵部郎中居官數

著循迹居鄉號爲善人

何文毅公考錄

劉宗武隆慶元年舉人選授大足縣知縣孝友仁厚治大

足以清介著聲民立碑頌德

全上

何宗彥字君美其父由金谿客隨州遂家焉宗彥舉萬曆

二十三年進士累官詹事四十二年遷禮部右侍郎署部事福王之國河南請求無已宗彥上疏言可慮者有六帝不聽又屢疏請東宮講學皇孫就傅及瑞惠桂三

王婚禮太子生母王貴妃薨不置守墳內官又不置墳  
戶贍地宗彥力爭之梃擊事起宗彥因言天下疑陛下  
薄太子久太子處積輕之勢致慈慶宮門止以耄年二  
內侍中門則寂無一人乞亟下張差廷訊凡青宮諸典  
禮悉允臣部施行宗社幸甚不報尋轉左侍郎署部事  
如故四十四年冬隆德殿災宗彥請通下情修廢政補  
曠官明年皇長孫年十三未就傅宗彥再疏力言自是  
頻歲懇請帝終不納四十六年六月京師地震上修省  
三事時帝不視朝已三十載朝政積弛庶官盡曠宗彥

清修有執攝尙書事六年遇事侃侃敷奏時望甚隆其  
年十二月會推閣臣廷臣多首宗彥獨吏科給事中張  
廷登不署名遂不獲與宗彥旋乞假去御史薛敷政蕭  
毅中左光斗李徵儀倪應春彭際遇張新詔等交章惜  
之而廷登同官元詩教薛鳳翔又屢疏糾駁其時齊黨  
勢盛非同類率排去之宗彥無所附麗故終不安其位  
明年神宗崩光宗立即家拜禮部尙書兼東閣大學士  
天啟元年夏還朝屢加少師兼太子太師吏部尙書建  
極殿大學士四年正月卒於官贈太傅諡文毅

虞正縉萬曆三十二年進士選授重慶府推官有才學寡

交遊傲岸一世舊志

劉延漢萬曆三十七年舉人初任湖口縣知縣行取工部

主事清謹自勵始終如一所至輒多惠政全上

程鐸天啟元年舉人惠州府推官清介絕俗在粵兩載而

卒昇櫬還楚行旅蕭然全上

何允輔字近川少讀書卽羞語科名謂君子窮當自食其

力安能齷齪事咕嗶強顏干祿猶自稱儒者耶於是買

田而耕布衣藿食足跡絕於城市見人爲善則勸進之

隨州志 卷二十三 者舊 三七

見人爲不善則正色直諫必改而後止有司聞屢以鄉

飲酒禮請卒辭不赴全上

邱如臯以天啟四年貢任瀏陽縣教諭清才邃學克重鄉

評全上

萬士奇以天啟七年貢任廣東新安縣訓導擢知東安縣

具幹濟才慷慨自許素爲鄉里所推重仕不竟其學時

人惜之全上

陳奇抱字叔平穎異嗜學以廉隅自砥萬曆戊午中副榜

第一崇禎時授學職不就隱居教授布衣疏食泊

性疏放自號爲詩酒布衣著作宏富一時巨製多出其  
手子占祥歲貢生

宋之彥字仲穎少爲諸生以能文稱爲人慷慨好義素爲  
鄉里所推服崇正末寇氛滿布豫楚之間尤甚鄉人結  
社自保共推之彥爲帥號漢勇營之彥號令嚴明人樂  
爲之盡力一時稱善戰守者以漢勇營爲首十六年巡  
撫宋一鶴札授都司銜是年秋流賊破信陽下三關以  
其黨僞都尉吳漢忠領眾七千守平靖而以胡定國爲  
僞知州之彥聞之乃精選義勇三百人夜襲平靖賊不

隨州志

卷二十三

耆舊

三

意猝至遂潰乃擒漢忠還兵北攻信陽定國殊死守之  
彥四面攻益力賊死者甚眾之彥呼曰有生得胡定國  
者予百金賊或執定國降立誅之復使人縊殺漢忠於  
營漢忠者之彥鄉里也故不忍親殺之歸而厚卹其家  
以功叙參將屢檄征勦戰功爲淮南第一將大用而之  
彥以國事日非乃乞免歸偕其子宗郊猶子宗祁避居  
於佛子洞山咏游自得人不知其曾爲將也

補錄

國朝

何操敬字主洛明太傅宗彥家孫也才氣豪邁少年客遊

江南時值饑疫骸齒載道乃捐銀八百兩收埋之順治  
初隨征廣東有功檄署知儋州事當兵革之後撫輯有  
方黎民安之至十三年歸里康熙二十六年舉鄉飲大  
賓著有是何詩集

梁肯與字仲美順治五年拔貢初無意於仕進或激之始  
出應

廷試康熙五年試第一除漢中府通判時吳逆出藩雲南  
肯與策其必反預白於府增設關隘練軍實以功擢本  
府同知再遷知汝甯府未赴卒於漢中

隨州志

卷二十三

耆舊

三九

高拱極字起石明末爲諸生團練義勇以保鄉里入

國朝助守德安府城以功準貢授竟陵縣主簿攝縣事集  
流亡繕守具境內以安歸後讀書講道篤志礪行老而  
不倦子炯字肇文博通典籍爲人內嚴而外和處鄉黨  
退然未嘗與人忤年踰九十知德安府羅暹春聞其賢  
時遣使存問卒年九十有六

周宗成字啟甯廩膳生以子貴

誥封文林郎學行兼優性孝友重節義好施予明末流寇  
日起避亂鄂城城陷負老母攜孤姪自亂中出還隨結

義寨練鄉兵合郡賴以求庇者甚眾厥後連年饑饉復多方賑濟鄉里全活者幾以萬計晚年身際太平講學文昌閣玉成後進爲一郡之望崇祀鄉賢

何其憲士達子也少佐父守人和堡善搏戰多所斬獲康熙初以武進士授澤州營守備轉守延綏鎮木瓜園堡堡臨邊圉廣員幾百里兵民悉隸守備儼然縣也明末寇變之後居民凋瘵城寨傾頽其憲善撫循急修繕邊境恃以爲安堡軍昔盡屯田且耕且操後守備懼以催科累已乃請併歸府谷縣其憲謂舊制邊營軍民不分

隨州志

卷二十三

耆舊

三

者原欲使兵知耕民知戰可以長守也今歸於縣募民以耕民不知戰而兵坐且食饟一不繼後日必有裁兵之議而邊守可虞乃作木瓜園志以申其說識者知其有良將才

鍾維聲字開先康熙辛酉甲子兩中副榜爲通山教諭丁艱後起復桂陽教諭喜引掖後進及門蕭必昌郭遠家貧力學皆賴其力以成名桂邑大疫貧民死無棺乃捐俸買席數千斂瘞之任滿遷常德府教授前後三爲學官皆稱職



李振藻字兆嶽博學嗜古不苟言笑生平未嘗談人過失  
尤究心性理諸書教門弟子必以主敬爲先謂敬則心  
不外馳而作事自然周到著有朱子大全纂要文成數  
萬手自繕錄字大如黍而通首端楷未嘗譌一字卽此  
亦足見其主敬之功矣

朱奇生字亦人其先嫠人考亭苗裔也康熙丁丑選拔歷  
試十數科不第慨然曰窮達命也安可慕榮名而易此  
性分中真樂哉遂長謝鄉闈閉戶讀書潛心濂洛關閩  
之學以別白理欲之分手注四書發註一書學者宗之

隨州志

卷二十三

耆舊

三

先生嘗謂人獸關頭只爭一線生平可怕處在此幾希  
因自題所作文稿曰幾希集又作四字心法以警學者  
曰以藐焉之身中處天地與萬物同生不與萬物同盡  
者豈徒工於文辭取顯名而享厚實遂足不朽乎哉亦  
學爲聖賢超乎庸眾求全天之所以與我者而已聖賢  
垂訓具在經書詞雖各異無非欲人治其心以復其性  
最切要者莫如忠恕敬勤四字發已自盡之謂忠推已  
及人之謂恕主一無適之謂敬自強不息之謂勤而敬  
之一字乃歷聖傳授心法程子指以示人尤爲切要其

云主一之謂敬無適之謂一主一者事在此心卽在此  
適往也主於此事則不移於他事蓋心者一身之主而  
萬事之綱也其官則思而人心道心分焉邪僻之思宜  
絕閒雜之思宜屏理義之思宜慎倘紛紜馳騫放而不  
求則一身無主萬事無綱大之五倫五事小之食息起  
居從欲則易順理則難心放而天之所以與我者不可  
問矣敬則整齊嚴肅收斂身心凡一切妄念隨起隨滅  
當其知放便已在此不待遠求顧心有動靜敬亦貫乎  
動靜存養於靜時尤宜省察於動念果能時時提撕行

住坐卧常存不忘無少閒斷一念方動卽謹之以審其  
幾善則必爲惡則決去欲念消則理念長一心之內靜  
而廓然大公動而物來順應忠以立恕之體恕以致忠  
之用至於人欲淨盡天理流行是卽克己復禮天下歸  
仁聖賢可學而至矣但敬之分量無窮各隨其大小以  
爲應上之可至於聖賢次之不流於庸眾顧力行何如  
耳若率意徇情侈然自肆小不敬則小失大不敬則大  
失甚者乘權藉勢驕奢淫佚以致身敗名辱亦各隨其  
小大以爲應此侈肆之心放逸怠惰所以私意蔽塞不

忠不恕日流於庸眾而不自知也茲提忠恕敬勤四字  
爲綱實則約之只二字及其成功又只一字蓋忠恕者  
夫子之道敬勤者求道之功無忠難做恕不敬焉能勤  
敬之久而純乎忠焉卽至誠無息矣然其始惟在於立  
志誠以聖賢爲必可學而不安於庸眾以忠爲主強恕  
而行持之以敬習之以勤庶仰不愧俯不怍天之所以  
與我者克全而存順沒甯豈與萬物同盡哉余旣以主  
忠行恕持敬習勤大書榜聯爲傳家心法茲復申言其  
義質諸同心之人又有敬字訣曰爲聖爲賢在此心敬

之一字值千金分明有個人門路何事學人空咏吟又  
示諸子四言詩曰天地之性莫貴於人臨深履薄守身  
事親忠以盡已恕以接物當學顏曾三省四勿博文約  
禮格致誠正學貴知行功惟主敬爾猶良苗培養勿懈  
秀而不實不如黃稗隨城東門內有二賢祠祀季梁歐  
陽修先生卜居於祠之右名其堂曰鄰賢以寓景仰之  
意遠近從學者常數十人先生講學以考亭爲宗以居  
敬窮理爲要漢東學者以先生爲第一年七十餘卒州  
人以配享於二賢祠子集濂集洛孫希聖皆能世其學

楊冽州諸生與梁高捷張大中汪惺王應運同師事朱奇生預聞性理之學於四書發註一書多所訂正

何綿尙字二水性倜儻尙義輕利以選貢授扶風縣丞以嚴爲理初至吏或以賄試之乃重責而逐之廉聲大著然終以剛直忤上官被劾去邑民攀留不釋至歲餘始得歸行旅蕭然其貧乃過於未仕時其弟錦尙字組經幼勤學終日不出戶見善行輒揚之惟恐其不著有言人過者則若不聞以歲貢終

王應仁字樸軒自幼喜焚香讀書見人舉止有乖卽面斥

隨州志

卷二十三

耆舊

三

之無少隱嘗語人當閑邪存誠以正人心教授生徒名盛一時

羅治字傳十以癸酉選拔選遠安縣教諭遠安故僻壤治至立課程嚴教法士風蒸然一變已卯鄉試中式第六後奉檄看江陵水災慨然曰瘠民望粒米以活命少緩之卽死溝壑矣勸上官立賑之全活甚眾漢陽方燧贈以詩曰誰不登臺省偏令此客閒儒官勤吏職講席恤民艱白屋千家飽清風兩袖還鄭虔同鄭俠名字滿人閒指此事也乾隆三十五年遷常德府教授以疾歸卒

治天性孝友品概端卓與人交敦氣誼文章醇雅子五皆能世其家

劉顯字映南乾隆乙酉科舉人篤學勵志從學數百人前刺史金胡莅隨時皆推重之詩古文詞能自成家爲士林傳誦辛卯春赴試禮闈病卒京邸州人士無不嘆惋

吳組周苦志力學品望爲鄉里所推重知州吳崐詳請學政書宿學鴻儒額表其門以爲多士勸

萬持字懋生州諸生天資樸質推誠接物與人言未嘗不

隨州志

卷二十三

耆舊

三

教以善道故里俗爲之一變

萬國榮字東園行四萬家店人宰江西金谿有循聲鋤奸扶善凡利於閭閻者知無不爲重建仰山書院時親校課士習日醕先後十餘年囊無長物嘉慶二十五年卒於任櫬歸之日士民遮道護送

梁崇字象賢城內歲貢生篤志力學根柢淵深丹鉛校讎不釋手杜門攻苦人罕見其面書法精湛雖屢試不遇胸次淡然

姜東時庠生嚴於自守訓讀有法膽畧異人嘉慶元年白

蓮教匪之亂唐縣鎮駐軍防勦欲移營去東時詣軍門  
上策曰賊自西北來東南數百里無守備脫大營退賊  
乘閒攻我大兵受其害大局尙堪問乎蹂躪地方猶餘  
事矣畫地陳方畧瞭如指掌統兵者用其議大破賊鋒  
遂糾眾葺城選器械勤防禦出奇制變地方賴以保衛  
事聞 賜翰林院檢討

陳上志性慷慨援例授州同職不慕仕進居家儉樸然濟  
人利物千金不吝宗族鄉黨多蒙其惠嘉慶初修整文  
廟不辭勞瘁郡城有大工役上志必倡捐以先知府周

隨州志

卷二十三

耆舊

三

開謨深遑之晚益豐饒家聲日起子良綬布理問孫昌  
齡道銜保齡署山西隰州事

儲嘉珩乾隆丁酉拔貢甲寅舉人嘉慶乙卯進士傲岸自  
喜俯視一切制藝力追先正綽有國初風味詩倣陶杜  
書法渾健有長江大河之概晚年時遊江淮廣交名流  
自謂行萬里路始能豁其眼界後任襄陽教授卒

羅世材乾隆己亥舉人嘉慶己未進士學問詳贍至老益  
篤所作詩文冲恬靜穆餘味曲包年逾六旬猶孜孜不  
倦主講書院英髦多出其門其藏稿爭相傳鈔奉爲圭

臬弟世棠乾隆己酉拔貢世楠歲貢生

杜兆熊字東峙歲貢生雖居城市不妄干預時文不甚留意書畫力摹大令雲林涉筆卽佳片紙隻字人珍惜之生徒得其指授者臨摹點染均有師法

杜先達字桂僕苦志力學乾隆己酉壬子兩中副車嘉慶辛酉順天鄉試始出汪瑟菴尙書門下先後寓京十餘載閉戶刻勵不附權勢以謄錄授土田州州同會土司卒其支庶謀承襲餉以白金堅卻不受忌者造蜚語中傷之以是罷官歸然其性不諧俗舉動往往與時相戾

隨州志

卷二十三

耆舊

三

晚年兩主講席論文謹嚴適肖其人

李樹人字玉泉道光丁酉拔貢考取小京官己亥中北闈鄉試升主事持身謹約與物無忤尤工楷法京師以縑素求書者積案盈箱日不暇給墨刻數種人爭寶之甲寅告歸尋保升員外郎賞戴花翎卒時年尙未盈五十也其子文鼎廩膳生以知縣分發山東

附

壽考

周之禮生於乾隆乙未卒於同治甲子年九十子德昌道

光已酉拔貢

李文博生於乾隆戊子卒於同治壬戌年九十五

賈全惠現年九十四

方必成現年九十六

李啟賢卒年九十六

李萬海卒年九十六

庠生黎步堂卒年九十七曾孫務本戶部員外郎知本戶部郎中懋本工部郎中元孫奎照江西知府

周親智卒年九十三有三世五代同堂額孫家賓道光甲

隨州志

卷二十三

壽考附

三

午科領武解

吳文明卒年九十二

劉名舉生於乾隆癸巳卒於同治甲子年九十二

袁世保現年九十

聶在貴現年九十六

朱鳳吉卒年九十八

陶大成年近百歲學政獎以太平人瑞額子顯宗襄陽羅田訓導

李桐生於乾隆三十二年卒於同治二年年九十七



程明達生於康熙 年卒於乾隆十九年年九十二

李維喬生於乾隆己丑卒於同治癸亥年九十六

龔敬修現年九十三

劉珠生於乾隆丁酉現年九十二

劉雲錦生於乾隆庚寅現年九十九

王調鼎卒年九十五五世同居其子鳳亦卒年九十一有

五代重慶額

陳國璋生於乾隆十年卒於道光十八年年九十四學政

許獎以慶集期頤額

隨州志

卷二十三

壽考

三九

閻士璋生於乾隆丁亥卒於咸豐七年 賜修職郎年九

十一

閻士聖生於雍正丙子卒於道光二十八年年年九十三

江汝河 賜修職郎年九十三

何萬年生於乾隆庚辰卒於咸豐元年年年九十三

余自珍生於乾隆戊戌卒於同治六年年年九十

欽先甲生於乾隆己卯卒於咸豐乙卯年年九十七

敖士鳳生於乾隆壬辰卒於同治乙丑年年九十四

王瑚生於乾隆元年卒於道光十年年年九十四

張啟進生於康熙戊午卒於乾隆丙午年九十八共三子  
萬凱生於康熙庚子卒於嘉慶二十五年年百有一歲  
知州陶紹侃獎以五代同堂額

張漢英生於乾隆己丑卒於同治五年年九十八眼見五  
代知州趙廣恩獎以熙朝人瑞額

張萬國生於雍正戊申卒於道光乙酉年九十八贈登仕  
郎

楊正朝卒年九十三

監生周純成生於乾隆庚辰卒年九十一

隨州志

卷二十三

壽考

四十一

傅全祿卒年百歲

石大懷年屆百歲有百齡餘慶額後遇賊被害

梁甫山年九十

閻士剛卒年九十三

任澤雨卒年九十一

張爲鼐卒年九十四

余光宗現年九十一

陶名昇現年九十七

孫裕密卒年九十四

王恒國現年九十二

李金詰現年九十七

隨州志

卷二十三

壽考附

四